

UN BISTA RIBA 2014 Y E SITUACION FINANCIERO NA FIN DI MAART 2015



Seroe Blanco 4, Oranjestad | (297) 525.2732 | www.apfaruba.org

Cu e introduccion di e Areglo di Pensioen Nobo 2014 (NPR 2014), cual a reemplasa e areglo di pensioen anterior (NPR 2011), e grado di cobertura bruto a bira 100% riba 1 di januari 2014. APFA ta raporta riba e situacion financiero na fin di 2014 y na fin di maart 2015.

E posicon financiero di APFA

APFA ta administra na e momento aki dos areglo di pensioen: e Areglo di Pensioen Nobo 2014 (NPR 2014) y e Areglo di Pensioen Nobo 2005 (NPR 2005). E cifranan financiero preliminar na fin di 2014 ta indica, cu e grado di cobertura bruto di NPR 2014 ta 102,4% (final di maart 2015 esaki ta 103,4%) y e grado di cobertura bruto di NPR 2005 tabata na fin di 2014, 117,7% (final di maart 2015 esaki ta 118,7%). E mehoracion di e grado di cobertura ta den gran parti e consecuencia di e resultadonan di inversion positivo na 2014 y den e prome kwartaal di 2015.

Cu un grado di cobertura bruto di 100% e capital di e fondo ta suficiente pa cumpli cu tur e obligacionnan di pago di pensioen den futuro. Di acuerdo cu e reglanan legal pa un fondo di pensioen, e fondo mester tin reserva financiero pa asina por carga e eventual resultadonan negativo riba e inversionnan. E ultimo aki ta e asina yama grado di cobertura netto, cual mester ta 100% minimo. Na fin di 2014 e grado di cobertura netto di NPR 2014 ta 95,2% (final di maart 2015 95,9%). Pa NPR 2005 e grado di cobertura netto na fin di 2014 ta 109,3% (final di maart 2015 110,2%).

Plan di recuperacion NPR 2014

Cu un grado di cobertura netto di 95,9% na fin di maart 2015 ainda NPR 2014 no tin e reserva financiero manera rekeri. Pa e motibo aki e fondo a traha un plan di recuperacion den cual a stipula e maneho cu APFA lo hiba pa e recuperacion di NPR 2014. A base di e pronosticonan APFA ta premira di recupera riba su mesun forza den e periodo determina. Esaki naturalmente ta depende di e desaroyonan riba e mercado financiero local y internacional. APFA a entrega e plan di recuperacion medio juni 2015 na Banco Central di Aruba, kende lo bay evalua e plan aki. Despues di e evaluacion aki APFA lo publica e plan di recuperacion riba su website (www.apfaruba.org).

NPR 2014	31 di maart 2015	31 di december 2014
Capital di pensioen	Afl. 2.537 miyon	Afl. 2.502 miyon
Provision obligacion di pensioen	Afl. 2.454 miyon	Afl. 2.443 miyon
Grado di cobertura bruto	103,4%	102,4%
Grado di cobertura netto	95,9%	95,2%
Prima di pensioen	16,6%	17,7%
Activo	6.213	6.154
Participante cu derecho di pensioen	4.303	4.249

NPR 2005

Capital di pensioen	Afl. 11,4 miyon	Afl. 10,6 miyon
Provision obligacion di pensioen	Afl. 9,6 miyon	Afl. 9,0 miyon
Grado di cobertura bruto	118,7%	117,7%
Grado di cobertura netto	110,2%	109,3%
Prima di pensioen	29,3%	28,8%
Activo	326	324
Participante cu derecho di pensioen	18	18

Desaroyo riba mercado financiero

Na fin di december 2014 e inversionnan total tabata Afl. 2,4 bion, di cual 67% tabata inverti localmente y 33% den exterior. Na 2014 e rendimiento total tabata 6,3%. Tanto e inversionnan local como e inversionnan den exterior a duna un resultado positivo. Riba e inversionnan local a logra un rendimiento di 6,0% y riba e inversionnan den exterior a logra un rendimiento di 6,7%. Den e prome 3 lunanan di e aña aki a logra un resultado di 2,0% riba e inversionnan.

Areglo transitorio nobo NPR 2014 Pais Aruba

Na fin di maart 2015 Minister di Finansa & Organizacion Gubernamental a entrega e areglo transitorio nobo pa NPR 2014 na directiva di Fundacion APFA. Na e momento aki APFA ta den deliberacion cu gobierno pa yega na un contracto di ehecucion riba e punto aki. Nos lo informa nos participantenan na momento cu e contracto aki keda finalisa.